

Szyrakowski Martinus
Episcopus Cracoviensis

Certamen Pultoviae cum Craicula
de filio et Pono D.D. Martino
Szyrakowski, Episcopo Cracoviensi;
Cracoviae 1686.


PANEG. et VITAE


Polon. 4^o

N^o. 986



18230





CERTAMEN
PVLTOVIÆ CVM
CRACOVIA
DE

Illustriss^{mo} & Reuerendiss^{mo} Dño,

D. MARTINO

SZYSZKOWSKI DEI ET

Apostolicæ sedis Gratia

EPISCOPO CRACOVIE:

DVCE SEVERIEN:
Compositum.

PER ARBITRVM APOLLINEM.
*atque illius Celsitudinis æterno Nomini à Nobili Studiosa inuen-
tute in Almo Gymnasio Pultronien: Patrum Societatis
JESV oblatum.*

Anno Salutis Humanæ

MDCCVII LVnls CLaresCāt Mœnla CraCl.

1616



CRACOVIAE, Ex Officina Typ: Francisci Cesarij.

BIBLIOTH. UNIV.



Illustriſſimus ac Reuerēdiſſimus

Dominus D. MARTINVS SZYSZ

Cracouiensis, Dux Seuerienſis.



N K O W S K I D e i G r a t i a E p i c o p u s

SISCOVIAE insolito resplendent lumine Lunæ;
CRUX media ac si sol, aurea tota micat:
Illustres Lunæ fuerant, illustris & ipse:
Splendida Crux per se est, hic nouus vnde nitor?
Sarmatici solii Sol dat noua lumina Lunis;
Dat iubar Europæ lumina sacra Cruci.
Luna solum Patriæ, solium Crux alma serenat;
Pro meritis debent lumen habere nouum.



ANDREAS KRASINSKI

18230-1

OMEN MVNIMINIS:

VRBS populosa CRACI, propior cui Turcica Luna,
Barbarica Luna nil vereare lucem:

Ille est instabilis, cunctas variatur in horas:

Huic sol æthereus lumina vera negat.

Defendunt gemine falces tua menia Luna:

In medio quarum fulget imago Crucis:

Hostili LVNÆ opponas si hæc cornua Lune;

Vincere vel solas non valet una duas.

Adde CRUCEM. fugiet Stygia impia Luna phalangi-

Vinci non poteris; vincere sola potes.

PAVLVS VCHANSKI.

LVNAS AVFERO NON

L V M E N.

VIRTVS in medio, medium aiunt esse beatum:

Lunarum in medio, CRUX benedicta, micat.

Exere virtutem: miseram me facq; beatam:

(Pulchropolis dabat hæc tristia verba Cruci)

Lumine ne spoliet, Lunam mihi linque vel unam:

CRACOVIAE una sit, aſt altera Luna mihi.

CRUX; totum ut maneat pars debet nulla deesse.

Ex Lunis lucem num superesse parum?

IEREMIAS DEMBINSKI.

VERE
NOBILE STEMMMA.

EFFIGIEM Luna gestabat nobilis Arcas:
Romanos equites Lunula parua notat.

SISCOVIÆ gentis geminas en aspice Lunas.

Romanos domus hæc nobilitate preit,

Arcades antiquos superat tam Stemmata clare:

Sarmatica & radijs sydera multa suis.

Cerne Crucem, medio Lunarum quæ sita fulget:

Dic; Domus hæc tangit nobilitate Polum.

HIERONYMVS GOLINSKI.

CVIVS CRVX ET LVNÆ,
HIC ET IPSE DILECTVS DEO.

CHRISTVS Sarmaticas dum lumina flexit in arces:

SISCOVIÆ gentis viderat ille Crucem.

Virgo Parens oculos etiam dum verit eodem:

SISCOVIÆ Lunas viderat illa domus.

Dixit CHRISTVS; Erat Crux nostro hæc digna cruore:

Hæc Luna pedibus, Virgo MARIA, meis.

MARTINVS roseo sacer hæc tandem edidit ore:

Pro Cruce SISCOVIVS vult meus ecce mori.

Sub pedibusq; tuis cum Lunis, Virgo, iacere:

MARTINO ergo meo, Nate, Parensq; faue.

CHRISTOPHORVS BROCHOWSKI.

LVNÆ

LVNÆ CRUCEM, CRUX
LVNAS ILLVSTRAT.

BINA Crucem claudit falcato Cymbia cornu:
Crux lumen Lunæ, dat quoque Luna Cruci,
Lilia mista rosis multò sic gratius halant;
Sic vicina sibi putabrius astra nitent.
SISCOVII dum cura crucem pietasq; tuetur:
Auger & illius CRUX benedicta decus.
Clarius hinc Phæbo radiante Luna tibi, PRÆSVL:
Hinc & Crux ut lux fulgida rota tua est.

ALBERTVS KRASINSKI.

CRUX ALTRIX PAV.
P E R V M.

DAT chlamydis partem miles MARTINVS egeno:
Afflixit nudum quem glacialis hyems.
Idem pauperibus toties dat munera PRÆSVL
MARTINVS: mater verè inopum fuerat.
Pauperibus SZYSZKOVVSKI struxit Episcopus ades:
His escam, vestes, commoda multa dedit.
MARTINI erga inopes magnum quid miror amorem?
CRUX inopis Christi suadet amare inopes.

NICOLAVS NARZYMSKI.

NEC SCELERA, NEC TENEBRAS
TIMET POLONIA.

MARTE potens, fecunda viris, & Palladis arce,
Iam vincit roseum terra Polona Polum.
Vnica LVNA Polum fraternâ lampade lustrat,
Duplex Sarmatiae LVNA serenat agros.
Et propriis facibus, simul & Crucis ignibus ardens,
Quae posita in medio lumine viramque beat.
Regna nihil scelus aut trepidetis Lechica noctem.
Haec Luna tenebras, CRUX necat ista scelus.

PETRVS GLVCHOWSKI.

CRUX FIRMAT, ET
ORNAT.

CYNTHIA, caelorum primo quae splendet ab axe,
In vultu maculam senuit habere suo.
Temporis haec variat leges, hominesq; , ferasq; :
Et causa haec astus dicitur esse maris.
SISCOVII Luna, quae Lechiaco orbe coruscant,
Immunis maculâ plenius igne micant.
Fortunam variam vident constanter ubique.
Roborat, ac ornat CRUX medio alta loco.

HIERONYMVS WASOWIC.

ILLV.

ILLVSTRISSIMO AC REVERENDISSIMO
in CHRISTO Patri ac Domino,

D. MARTINO

SZYSZKOWSKI, EPISCO-
po Cracouiensi, Duci Seueriensi
discessuro.

ORATIO VALEDICTORIA
NOMINE GYMNASII PVLTOVIEN:
cum perpetuâ prosperitate.



Vod orbis Domitor de Xeno-
crate Philosopho fertur dixif-
se: Xenocrati quidem Alexan-
dri munificentia opus non est; „
sibi tamen propè necessarium, „
vt liberalis in Xenocratem videatur: idem „
Collegium & Gymnasium Pultouiense de
tua sublimitate dicit, Præsul Religiosissime;
Antistiti equidem Ill^{mo} Apollinis munifi-
centiâ Musarum munere opus non est; qui
virtute insita, & pulcherrimis Reipublicæ
muneribus auctus, patriæ suæ decus, rerum à
se gesta-

se gestarum gloriâ adeò in dies amplificat:
vt superstiti adhuc CERTVM ESSE
EI IN COELO DEFINITVM
LOCVM, VBI BEATI ÆVO
SEMPITERNO PERFRVVN-
TVR, pro tot ac tantis in Serenissimam
Rempub: Polonam benemeritis, nemo est
qui ambigat; ne dicam trophæa, pyramides,
mausolea; optimo Nemophylaci in terris
post fata neget. Attamen vobis liberalium
disciplinarum cultoribus penitus necessari-
um est, ne ingrati in Mœcenatem vestrum
liberalissimum videamini. Oportet profe-
ctò iuxta Principis Philosophiæ mandatum:
„Regratiari, vel famulari ei, qui gratiam facit.
Iam verò cuius maiori gratia vel Reip: salus,
vel eorum hominum, qui eruditioni & literis
dediti, conatus: vel horum, quibus tanquam
ex fatali Pandoræ cyatho malorum toxica
nouercæ fortunæ inclementia propinauit, v-
berius fruitur, quàm Principis illius, qui pru-
dentissimo consilio clauum gubernat impe-
rii: ne

rii: ne sæuientis Aeoli procellis fatigata; ne
scopulorum illisa vadis naufraga periclite-
tur: aut rupto trabium sædere publicæ inco-
lunitatis cymba in oceanum ærumnarum
demergatur. Qui Fauonio beneficentiæ suæ
expansa vela voluntatum per altum sapien-
tiæ nauigandi prouehit ad portum. Qui ad-
iutrici dextra humo affixos eleuat. Vniuersa
hæc magna in te Magne Præsul. Legisti il-
lud inclyti fama Historici Salustii, qui salu-
tem Reipub: paucis concludit: O M N I A
R E G N A, ciuitates, nationes, vsque eò pro-
sperum euentum habuisse, dum apud eos ve-
ra consilia valuerunt. Audiuisti Othonis in-
uictissimi auream vocem: Quid vos pulcher-
rimam urbem hanc (de vnaquaq; dici potest
Repub.) domibus ac tectis & congestu lapi-
dum stare creditis? muta isthæc & inanima
intercidere ac reparari continuè possunt: æ-
ternitas rerum, & mea cum vestra salus inco-
lunitate Senatus firmatur. Enimuero qualis
est ciuitas, cuius diruta sunt moenia, talis est
Respub: quæ non omnia cum consilio agit.

” Sit potens. Vis consilii expers mole ruit. Sit
militum manu atq; ferro munita. Parua sunt
arma foris, nisi sit consilium domi. Consi-
” lium siquidem causarum examinādarum gu-
bernandarumque est subtilis animi prospe-
ctus: cœco igitur omnia ferantur impetu est
necessē sine hoc sole, sine hoc mentis oculo.
His de causis magnus consilio, & incōprehen-
sibilis cogitatu Deus, Moy si Duci electi atq;
dilecti populi septuaginta viros spectatē pru-
dētię, maturę etatis, quorū ex sentētia omnia
decerneret adiunxit. Ab Atheniensibus De-
metrius Phalereus, quorū annis decem Rem-
publicam summa prudentia administravit,
trecenti sexaginta statuis: Berosus ab iisdem
gratis ciuib; ob prædictiones verissimas
lingua aurea honoratus. Romanus adēdō di-
uersas gentes immanitate barbaras, locis in-
accessas, numero infinitas, sedendo vicit; cō-
silio nempe æquissima lance rerum momen-
ta ponderando. Lacones proinde, si quando
callido stratagematis consilio hostem supe-
rassent, Marti taurum: in aperto gallum im-
molabant.

molabant. Rectè sanè ac sapienter, plus ingenii,quàm corporis robur æstimantes. Perbellè, prout cætera omnia sapiëntiæ laude insignes Quirites: bullam cordis ad effigiem collo prætextatorum appendebant: quo videlicet admoniti symbolo statim à primis annis frugalia sequi discerent consilia, cæterisque mortalibus corde præstarent; quod sedes animorum, cogitatum, totiusq; actionis parës, humanis in membris principatur. Talibus, vel his simili bus Doctorum oraculis, aut exemplis ob oculos tibi positis, Ill me Heros in florido adhuc ætatis tuæ vere, ductis quasi lineis exarsisti ad optimi Senatoris exprimendam imaginem, earumq; rerum lectione, atq; adeo animaduerfione, colores varios parasti, quibus effecisti, vt & verborum clarus Orator, & rerũ fortis ac strenuus actor existeres, quod de Achille verum monimenta testantur; qui à Phænice præcepta accipiebat pulchra dicendi, magnaq; faciendi. Tantum hauserunt luminis à sole virtutis iunctæ solidæ eruditioni ac experientiæ, quâ

vivos Magistros audiēdo, quā mortuos lecti-
tādo; quā exteras nationes lustrādo Ill^{ma} LV.
NÆ tuæ crucis suffultæ præsidio; quātū ad
dimouendas errorum vmbas, dissipandas vi-
tiorum nebulas, difficultatum noctes, causā-
rum caligines illustrandas satis foret. Stu-
puerunt non semel comitia lynceam aut a-
quilinam aciem mentis tuæ, quæ non videt,
sed peruidet vniuersa, & quicquid venatur
capit. Grauiſſimis in Repub. negotiis, quo-
ties grauiſſimæ ſentētiae tuæ, S. R. Maieſtas
& P. C. ſubſellia acquieuerunt! Audiuit te
Austriaca domus nata (vt inquit D. Lipſius)
ad imperia orbis terrarum, Oratorem diſer-
tiſſimum: quando cum æterna memoria di-
gniſſimo Myſzkowski Gonzaga R. P. Mar.
Collega nomine Regiæ Maieſt: legati mu-
nere, aut veriùs Paranymp̃hi fungebaris: cō-
fortem Regni Sereniſſ: CONSTANTIAM
Austriacam SIGISMUNDO Tertio despon-
ſando, & honorificè in Poloniam deducen-
do; Te vt non magis verè quàm liberè dixe-
ro Chromantius Episcopus oculo, quod mē-
bris

bris omnibus pulchritudine & pretio ante-
stat (inter alios) Episcopum vult signari;
qui clara Fidei orthodoxæ & consilii lam-
pade Ecclesiæ corpus illustras, Reipub: fa-
ciem illuminas, Palladis frontem irradias.
Accedis propè ad mentē Patris patriæ, An-
tistes literatissime, qui Diuino afflatus Nu-
mine inquit de Diuinatione: Nullum mu-
nus Reipub: afferre maius meliusq; possunt
Principes, quàm si docere ac erudire iuuen-
tutem curent; his præsertim moribus atque
temporibus, quibus ita prolapsa est, vt omni-
um opibus refrænanda atque cōcercenda sit.
Nam si Cassiodorus non in cassum scripsit:
Eruditio literarum naturam laudabilē red-
dit ornatam. ibi prudens inuenit, vnde sapi-
entior fiat: ibi bellator reperit, vnde animi
virtute roboretur: inde Princeps accipit, quē
admodum subditos sub æqualitate disponat.
Ideo vt Polona Respub: plantulas teneræ æ-
tatulæ ad quæuis officia cum emolumento
sustinēda probè efformatas haberet: Luceo-
riæ primū palæstras ingeniorum aperuisti

Luceoriam in primo tuo Episcopio: deinde Plociæ in
Soc: IESV secundo officinas sapientis pietatis reclusisti.
Patres in- Patres Societ: I E S V vtrobiq; memor illorum
duxit. Plo- instituti, velut Agonothetas præficiens: quo-
cie funda- rum etiam pro innocentia acrem orationem
uit.

Pro defen- contra iniquã actionem ficti Equitis Poloni,
sione eorum- Catilinaria aut Philippica mordacitate, vul-
dem oratio- nus integritati Societ: I E S V maximum per
nem contra summam calumniã infligere meditati, tan-
fictum equi- quam salutiferum pharmacũ opposuisti, ma-
rem Poloniũ chinationes impias extinxisti, famam inson-
scripsit. vn- tium instauroasti, & quasi signum de tua in v-
de defensor niuersam Societatem obseruantia sustulisti.
& fautor Qua quidem pro liberalissima animi tui vo-
Societ: Iesu luntate per vtriusq; mundi ditiones diffusa
Patrum vo- hæc Sodalitas enixissimè in laudes se tuas, in
candus. preces pro tua incolumitate effudet: dabitq;
operã, ne tantũ beneficiũ aliqua obliuionis
caligine per temporis seniũ offundatur. teq;
in eorum Antistitum album inseret, qui &
fautores Collegiorum Societatis, & vitæ ac
nominis eiusdem acerrimi propugnatores
extiterunt. Omnium oculis atq; manibus so-
ciorum

ciorum vbiq; terrarum commorantium terri-
tur hæc grauissima oratio tua, digna præce-
ptore Mureto, digna Bentio, à quibus velut
ex limpidissimis facundiæ fontibus copiam
Romanæ linguæ hausisti, quā in eos effunde-
res purgandos, à quibus te accepisse, quæ est
tua gratitudo, in eiusdem orationis vestibulo
sic fateris: Cum ab ipsa penè pueritiâ hæc fue-
rint vitæ meæ rationes: vt istius ordinis ho-
minibus, non minùs rectè viuendi præcepto-
ribus, quàm dicēdi magistris vterer, &c. Ter-
retur quiuis impostor tum in hoc Regno, tū
alibi, eos procaci calamo lacerare, quorū pa-
trocinium clarissimos viros legit suscipere.
Dionysius tyrannus crudelitatis atq; super-
biæ mācipium vel hinc aliquid laudis apud
postgenitos obtinuit, quòd Platoni diuino
planè in Siciliam venienti vittatam cymbā
miserit obuiā, & in littus egressum albis qua-
drigis vrbi inuexerit exceptum. Quanta pu-
tas tibi gloriæ seges, quāta immortalitas mes-
sis, clementissime Domine, humanissime
Præsul, in futuram ætatem ex amplissimo fa-
cinore

*Sub Mureto
& Bentio e-
loquentissi-
mis magist.
eloquentiæ
studuit.*

*Bellarmini
Card. Cate-
chismus in
Polonicum
vertit ex
Latino.*

cinore excrescet? Qui Magnum illum Card:
Bellarminum bella horrida in controuersia-
rū voluminibus heresi mouentē Phænicem
nostrā tempestate eruditorum, plus quā fel-
icis ingenii, Italię lumen, purpuratorum Pa-
trum solem, Ecclesię columnam, in compen-
dio doctrine Christianę cum optima metho-
do instruendi tyrones, admonendi vetera-
nos Christi athletas venientem ad Polonā
gentem, nō vittatā scaphā, sed sacratā manu
excepisti; nec albis quadrigis, sed patrii idio-
matis curru triumphantem, primū in aulā
Sereniss: Sigismundi tertii, filio eius sereni-
tatis Vladislao Principi (quo facilius à tene-
ris fidei decretis obtemperare asuesceret, pie-
tatemq; imbiberet) mellito cum proloquio
dedicando inuexisti, mox ingenti Ecclesię
bono per Diocesces, per Ascetarum domicilia,
per Nobilium domos polonizatū dimisisti:
Athenienses apud Zenonem Philosophum
clauēs vr̄bis deponebant, memores fortasse
illius Platonici: Tum demum bene rebus hu-
manis agi, quando vel Philosophi regnarent,
vel

*Doctis & bo-
nis benefi-
cia Ecclesi-
astica con-
fert.*

vel Reges philosopharentur. Sapiētiā bonū
æmularis per quam eximie. Cui Insulā
Lacedemoniensem cum Suffraganeatu Plo-
censi credidisti? omnibus Pontificiarum vir-
tutum conuestito ornamentis, Reuerendiss:
Dño, D. Stanislao Starczewski Abbati Plocē:
optimè de Siscouiana familia merito, quem
confortem curę pastoralis assumptū, pignus
atq; monumentum æuiternū Plocensi cathe-
drę discessus tui non leue solatium reliquisti:
cui nunc venerabile Capitulū aliquātulum
vacante sēde ad administrationem Episcopatus
Plocen: summā omnium voluntate credidit.
vt interim breuitatis ergo illa magna nomi-
na sileam, quorum probatæ virtuti, & prudē-
ti experientiæ Ecclesiam, negotia tua, te ip-
sum vitamq; tuam concredidisti. Ingredior
aulam tuam. si ordinem in ea spectem; Salo-
monis Regiæ non absimilis: si splendorem;
Senatoris Regni Poloniarum apparet maie-
stas: si deniq; prudentiam doctrinamue; A-
cademiam eruditionis comperio: ita multis
facultate ingenua claris viris fulget, Nicolai
C Myuhen-

Myrihenfis Præfulis alteram aulam video,
ad quam aditus patebat præterquam bonis ac
doctis nemini. Magnus Alexander magnam
à se posteris vel mirandam, vel imitandam
rem relicturum iudicabat, dum capto inter
spolia Darii Persarum tyranni seruandis vn-
guentis ædificato scriniolo, gemmis, marga-
ritis, vnionibus, instar stellati cœli inocula-
to Homeri, belli Troiani vatis, maius homi-
ne opus dignū tali æstimans loculo inclusit.
Sed quomodo rem magnā includi cistæ Ho-
merum miretur is, qui eūdem exiguā in me-
branulā exaratum nucis angustis circumse-
ptum septem inter orbis miracula numerat.
Maximam profectò rem, Magne Præful præ-
stas, quando vndiq; magna ingenia magne-
tis instar magnificentia tuā attrahis ad te, il-
laq; magnis includis officiis, tanquam Pyro-
pos aut Carbunculos aureis sphaëris. Quin
typis etiam expressa ingeniorum vestigia
multo pretio capta, splendidis inuoluta mē-
branis, includis, voluens, reuoluens: vel vt in-
de fessus diurnis nocturnisq; argoribus, Ec-
clesiæ

10
clesiæ, patriæ prospiciens, odore suauissimæ
eruditionis reficiaris: vel gemmas exemplo-
rum, margaritas sententiarum, vniones mo-
nitorum ad ornandam pariter & locuple-
tandam Rempub: industriâ propriâ colligas.
Ex hoc amore incredibili sapientiæ creuit in
amœno horto virtutum tuarum amplissima
erga mortales vniuersos munificentia & be-
neficentiæ arbor, ramos beneuolentiæ lon-
gè latèque diffundens: vel vt frigenti vmbra
præustos æstu calamitatum recreet: vel fa-
mentes dulci fructu liberalitatis saginet: vel
florum atq; foliorum acceptissimo odore o-
pulentos etiam exhilaret. Omnes arboris hu-
ius ardent amore, omnes hac ex arbore con-
struunt sibi Honoris & Fauoris arcem. Li-
beralitate namq; qui vtūtur (Tullius docet) ”
beneuolentiam sibi conciliāt, & quod aptif- ”
simum est ad quietè viuendum charitatem. ”
Hi iuxta Demosthenem Deo simillimi. cu-
ius naturæ est peculiare benignè facere. Hi
cum Xenophonte multò præclariùs ac lau-
dabiliùs iudicant, beneficiorum quàm tro-

*Munificen-
tia erga
mne gen-
tium*

phæorum multitudinem posteris post se re-
linquere. Quæ propter non plenâ manu, sed
arabibus, ut aiunt, nec pleno modio, sed ipso
horreo, thesauros munerum in amicos parci-
us, in calamitosos & egentes effundis. Testis
est per te fundata sodalitas COMPASSIO-
NIS Clacouïæ, quam quotannis certis susten-
tas prouentibus: cum in subsidium fortunæ
telis expositorum: tum ad emolliendam fer-
ream hominum feritatem in opitulando af-
flictis. Testis est tua maxima cura de Patri-
bus Societatis IESV Luceorienfibus, Pulto-
uiensibus, Plocēfibus: quorum inopiam am-
plis tuæ munificentiae muneribus ditasti, or-
nasti, auxisti. Testis communis omnium pau-
perum de te vox, qui te parentem alterum, pa-
tronum orbitatis suæ fatentur: proferrem in
medium singula liberalitatis argumenta; nisi
me insignis modestia ingenui pudoris tui ad-
moneret, quæ nō laudum vana choragia; sed
beatitatis præmia pro benefactis, à bonorum
omnium remuneratore Deo præstolatur. Le-
getur de te idem aliquando Magne Præsul,
quod

quod de Magno Constantino literis expres-
sum legitur: Quemadmodum sol super terrā
oriens omnes claros sui luminis radios affa-
tim profundit (sic Martinus Szyfzkowski E-
piscopus Crac.) simul cum solis ortu in ædi-
bus apparens, & tanquam cum luminari illo
coelesti pariter illucescēs, omnibus qui in i-
pſius conspectum prodibūt, eximiū humani-
tatis suæ splendorē & claritatē exhibuit: nec
quisquā rectē ad eū aduentauit, qui nō aliquo
bono potitus sit, neq; eos spes bona frustrata
est, qui ab eo aliquid expectarent auxilii. En
ergo nostræ erga T. Celsi: obseruantię, & si-
mul alti doloris perenne monumentū de tuo
à nobis abitu, litem plorantis Pultouiæ cum
triumphante Cracouia, de accepto illi, dato
huic te Præfule, sacris luminibus tuis subiici-
mus. Eo petimus acceptes animo de Helico-
niis fontibus lucubrationum haustas aquas:
cū ad sitim nostram tuæ perpetuæ nobiscū
præsentia restinguendū: tum ad sublimitati
tuæ æternam salutem propinandam, faustis
auiбус e Plocensi ad Cracouiensem cathedrā

discessure; quo Persarum Monarcha disce-
dens per sui Regni ditionem agrestem aquā,
muneris ergo oblatam legitur acceptasse. Nā

*Carmine sit viuax virtus, expersq; sepulchri
Notitiam sera posteritatis habet.*


Cui vt Deus Opt: Max: in hoc nouo hono-
rum fastigio bene faueat, & prosperiores quo-
tidie augeat successus cum adamantina va-
letudine: ardentibus votis vniuersi, qui tuæ
illustritati intimè fauemus, maiestatem eius
rogamus atque obtestamur.

Salue æternum tibi Maxime Præsul,
Æternumque vale. Dicit

Gymnasium Patrum Societatis
IESV Pultouien: semper tui
memor futurum.

NICOLAUS SVLIGOSTOVSKII

CERTA



C E R T A M E N

PVLTOVIÆ cum CRACOVIA.

CO Elicôlum postquàm clementi Numine lectus
 Omine ter fausto, SZYSZKOWSKI maxime Præsul;
 Sauromâtum Regis SIS MVNDI dignus amore,
 Dignus honore, C R A C I præclarus Episcopus vrbis
 Diceris; atque nouo titulo noua gaudia condis;
 Lechiadûm populo, Christi sponsæ, tibi & arctis
 Iunxit amicitia quos candida vita catenis;
 Fama bonum velox subuecta à præpete pennâ
 Arcis in æde tua præcella cacumina scandit:
 Ære nouum tereti diuulgat in vrbe Dynastam.
 Audiit vt Dominum PVLTOVIA iam sibi ademptum,
 Artibus ingenuis pollens PVLTOVIA, auitâ
 Et pietate potens, P O L T Æ de nomine dicta,
 Diues agri diues pecoris, fuluique metalli;
 Piscosis fœcunda vadis, & prole virorum:
 Cum lachrymis valido cœlos clamore fatigat;
 (N A R V I A ad hunc gemitum rimosas surrigit aures,
 Naiades. hac virides turbantur voce Napeæ,
 Obstupuere & EPHYTRIADES, MASOVIA tellus
 Contremit) illa iterat tristes nil territa planctus:
 Qualis in vmbroso plorat Philomella recessu
 Sylvarum; raptam sobolem violataque recta;
 Quis mihi Luciferum tentat subducere solem?
 Cymeriis semper tenebris obscura iacebo?
 Nec geminæ radios diffundent cornua Lunæ.
 SISCOVIÆ Lunæ; illustrat quæ Lechia regna:
 Quæ melius radiat quam lampas publica mundi;
 Vnquam nec trepidat furuæ caliginis vmbra.

*Nominatur
 Episcopus
 CRACO-
 VIEN:
 Anno 1616.*

*Alluso ad
 stema cru-
 cem inter
 lunas medi-
 am.*

Nam

Nam lucet propria; haud alienâ luce coruscat,
 Quam Machometigenæ trepidat trux luna Tyranni.
 Crux pietatis abit, cælorum clavis, & aulae
 Ianua sydereæ, spes vnica & vna, salutis
 Certa via? impia ni rumpar lachrymosa dolore;
 Ergo meo fulget C R A C O V I A sole superba?
 Scilicet illa meo deduxit margine Lunas?
 Illa crucem traxit Magnetis ferreæ ad instar?
 Illa meum rapuit Martinum? qui mihi matris
 Atque loco patris fuerat. Mauortia bella
 Horrida bella geram; præceps Acheronta mouebo,
 Arma citi rapitote viri, furor arma ministret,
 Nil audax vrbem metuit P O L T O V I A C R A C I.
 Pro M A R T I N O dulce mori; vel mille pericla
 Dulce subire mihi, maneat modo Præsul apud me.
 Græcia pro Salaminia contendit Homero
 Smyrna, Rhodus, Colophon Salamin, Chius, inclytæ A.
 Esse suum ciuem nimio conamine certant, (thenæ,
 Cum Stygias fuerat fato delapsus ad umbras:
 Quod cæcus, sed multa videns animo, aurea gesta
 Carmine grandisono magni signarat Achillis,
 Non sine mendaci vatium fucata colore;
 Errore scq; viæ dubios fallacis Vlyssis
 Falsis vera inuoluens, sacris multa profana.
 Ast ego cor adamantis, cornea viscera gesto,
 Nullus amantis erit nostro sub pectore sensus?
 Amens sim, patiar si tantum tollere lumen,
 Et columen Regni, sancti gemmamque Senatus:
 Care Deo Præsul, patriæ carbuncule care,
 Es mihi percarus: nimio succendor amore
 Tota tui: flammæ pereco liquefacta per æstus:
 Non sic sub specubus (si vera est fama) Sicanis
 Perpetuos glomerant incendia turbida fumos:
 Non sic omniremus miseræ Vulcanus in ædes

Incendium

Putrouien:

12. August.

Anno Domi

ni, 1613.

Sæuiis

Sæuiit antè meas, quo consternata gemēbam,
 Et Phlegetonteis lachrymabar sparsa fauillis:
 Quam nostro tui inardescit sub pectore flamma.
 Viuis? adhuc viuas longæui Nestoris annos.
 Ter Pyliam valeas sanus superare senectam:
 Viuacis numeres cerui, cornicis & æuum.
 Tu pietatis Atlas, miserorum portus, asyllum.
 Per te prisca mihi facies, splendorque vetustus,
 Sensim iam cœpit post ignea fata redire;
 A te post cineres Phoenix renouabar vt alter:
 Instaurare iubes collapsas ignibus ædes:
 Et noua tecta mihi, terræ ex fundamine ducis,
 Illis hospitium, quos tristis torquet egestas,
 Morborum pestes variæ, vel curua senectus:
 Achis, pauperies quos impallescere chartis
 Non finit, atque bonas animum ditare per artes:
 Musæum struis Augustum; tibi Pallas honores
 Pro quo debet: Apollo, nouem dant mille Camenæ
 Grates **S I S C O V I A M** memorando carmine gentem.
 Arcis tu reparas etiam penetralia nostræ,
 Addis & antiquis noua pulchra palatia tectis.
 Impius infando miles dum fœdere iunctus
 Vicinos populatur agros, populatur & vrbes,
 Grodecium, Visnam, Lomzam, roseamque Rosanam;
 Me meus à sæuo **M A R T I N V S** Marte tuetur;
 Ora opibus propriis satiat rabiosa luporum,
 Atque lares prohibet nostros habitare rapaces
 Harpyias, stygiæ crudelia monstra paludis.
 Hoc ego tale decus perdo miserranda, nec obsto!
 Serua meum perdo Dominum, malesana salutem!
 Delicias populi perdo, Patrem atque Patronum!
 Non ita. Sanguineo tecum, **C R A C O V I A**, Marte
 Viribus & totis, non cras certabo, sed istâ
 Horâ, temporis hoc puncto; vis nescit amoris

D

Magna

*Instauratur
Pulouia post
incendium.*

*Xenodochi-
um pauperi-
bus.*

*Studiofis
Bursa ex-
tructa.*

*Arx Pulou:
reficitur.*

*A Confede-
ratorum ra-
pinis vindi-
catur.*

Magna moras; animi ardescunt in prælia nobis.
Mars generose faue. MARTINI iusta cupido,
Iustus amor, cogit funebria surgere bella,
Ocyus & coeli flammis, & fulminis alis.
Talia dum secum flammato pectore fatur
Lymphatis nimium PVLTOVIA concita ab iris:
Qualiter abreptis catulis Gangetica Tygris
Ore vomit cædes, minitatur dentibus iras.
Raptoris fatus, celeri vestigia passu
Dum sequitur furis, furiis agitata malignis;
Sic Leo ob ablatam sobolem, sic æstuat vrsa.
Purpureo video spumantem sanguine POLTA M,
Et PVLTOVIADAS ardere in prælia cerno:
Arma viri rapiunt, viridis fremit arma iuventus;
Cædigeras acuunt iras, & brachia vibrant.
Audio quadrupedum sonitus, & tympana rauca:
Hastas & clypeos, enses, galeasque comantes,
Spicula, romphæas, phaleras, vexilla, bipennes
Mulciber ignipotens properatâ conficit arte:
Fulminat igniuomo bombarda seuera fragore;
Clangit ab æria bellum tuba concaua turri:
Etiam Mars sæuus, Geticis qui præsidet aruis
(Et Bellona ferox) POLTÆ properabat ad urbem.
Præfule pro PLOCIÆ forti certare paratus
Dextrâ cum CRACI, veritus nil moenibus altis.
Interea hunc strepitum, & voces resonabilis Echo,
Urbem ad CRACOVIÆ veloci pertulit ictu
Aëris, ambages & rerum, & dicta refrangens.
Extulit auratam subito CRACOVIA frontem
Muro, PVLTOVIÆ simul agmina circumspexit;
Cernit adesse duces, sibi & hostica castra moueri.
Ridens, hanc rupit tandem de pectore vocem:
Bella mihi pugnax PVLTOVIA, bella minaris?
Quam bellè id facias, pacata prospice mente,

Ecquæ

Ecquæ causa tibi pugne? quid musculus audet
 Prælia cum Barrho? rapida cum Tygride musca?
 Si quid litis habes, non verberare suadeo, verbis
 Componas; sociam nolo violare quietem:
 Si quid ego nocui tibi, si sum conscia culpæ
 Fare age, certemus docto sub iudice Phœbo.
 Sic breuiter C R A C O V I A, sic P V L T O V I A contrâ:
 Causam quæris adhuc belli, quasi nescia causæ?
 Astutam vafro seruas sub pectore vulpem.
 Præfule S I S C O V I O, quo non præstantior alter,
 Vt quid me spoliis? de Præfule prælia tecum
 Dira subire volo. tanti est hæc summa duelli.
 Hoc si non iustum dii iudicet almus Apollo.
 Armis posthabitis igitur, belli que furore
 Immerito, Iudex Pataræus Apollo rogatur
 Veridicus, placidus, iurisque peritus & augur.
 Adfuit ille citus, doctâ comitante phalange
 Musarum, niuei vectus pernicibus alis
 Bellorophontis equi, redimitus tempora lauro,
 Candidus purpureo velatus corpora peplo;
 Insignis citharâ, pharetrâ metuendus & arcu.
 Ventum est ad campum, bibulo hîc vbi puluere montes
 Compositi, propius rutilantia sydera spectant,
 Quercubus & K A R W I N fugitiuas explicat umbras,
 Quas potat vitreis purissima N A R V I A lymphis,,
 Quo studiosa cohors hebetatis viribus exit,
 Lusibus vt recreet vel cursu corporis artus:
 Subnixus folio Phœbus consedit eburno,
 Dextrum Mars latus, anguitenens sed virgo sinistrum
 Occupat: hinc ac inde Camœnæ, & cætera turba
 Ordine constiterat longo; vt data copia fandi
 Mox siluere omnes intentique ora premabant:
 Tum sic orsa loqui tristi P V L T O V I A voce:
 Arcitenens, semper gracili cui flore iuuentæ

Vernat Apollo decens facies formosior astris,
 Cuius laurigeri celebrant facta inclyta vates,
 Cuius nomen honos, viget æternumque vigebit,
 Quæ fortuna vides miseram me tangit & angit,
 Rumpere iam volui per tristitia classica pacem;
 Indixi arma viris etiam desueta triumphis,
 Agmina belligeri succendi Martis amore:
 Non aliam ob causam, cœli per sydera iuro,
 Per te conspicuum bipotentis Numen Olympi;
 Quàm quod dulce meum CRACOVIA protinus audet
 Præsidium rapere, & patriæ spoliare parente.
 Aufert SISCOVIVM nulli pietate secundum
 MARTINV M. is nostræ fuit vrbis ocellus, & orbis,
 Nobilitatis honor, sanctorum regula morum;
 Defensor fidei, variis virtutibus heros.

Virtutes di-
 gne Præsu-
 le atq; Se-
 natore.

Eloquentia
 eiusdem &
 Oratio pro
 PP. Soc: Iesu
 contra fictū
 equitem ab
 illo edita
 Anno Domi-
 ni, 1590.

Expeditio
 in Austriā
 cum Illustr:
 Myskowsky,

Quem pietas, quem cana fides, quem pectus oloro
 Candidius, veri quem servantissima lingua
 Diis æquant superis, fama euehit altiùs axe
 Stelligero, vltra & rigidos Garamantas & Indos,
 Vltra anni Phœbiq;ue vias, vbi cœlifer Atlas
 Fert humero patiens facibus rutilantibus orbes.
 Hic est, hic vir, laudari quem sæpius audis,
 Sarmatiæ Cicero, auriflui ditissimus amne
 Eloquii, illustrem seu flectere voce Senatum:
 Seu velit innocuos scripto defendere Patres,
 Qui Sacro capiunt nomen de nomine Iesv,
 Contra equitis ficti furias, linguamq;ue procacem
 Hunc stupuit quondam sapiens Germanidos ora:
 Hunc multum venerata fuit domus inclyta bellis,
 Inclyta & imperiis, Turcæ pavor & stupor hosti
 Austriaca illa domus, superis gratissima & imis:
 Nomine quando SIGISM VNDI, qui Lechica sceptrā
 Nunc tenet, & pacis bellorum & laude secundus,
 Gestans paciferæ ramos legatus oliuæ,

Missus

Missus ad Archiduces (fuerat Collega, comesque
 Cuius MYSZKOWSKI, Regni Marsalcus & ingens
 Gloria Lechiadum Gonzagæ Marchio stirpi
 Adscriptus, Pataui vrbs quem funere meruit acerbo)
 Confortem ut talami veheret, solique Poloni:
 Connubio stabili quam Rex tibi maxime Regum
 Iunxisti Austriacam. hæc tecum precor exigit annos
 Innumeros: sanctâ hæc faciat te prole beatum:
 Hic est Antistes factis super æthera notus:
 Ille sodalitium Iesu de nomine clarum
 Volhinia armisonas primus deduxit in oras;
 Quando Luceoria Antistes residebat in vrbe:
 Hic idem PLOCIÆ socios fundauit IESV,
 MASOVIA Mque nouâ decorauit Gymnade Præsul,
 Inuida Vulcani rapuit quam flamma ferocis:
 Dum PLOCIÆ sæuus mæstâ bacchatur in vrbe:
 Hic quid POLTOVIÆ Patribus, vel qualia fecit?
 Ille domum Patrum ditauit, & ille Lycæa,
 Muneribus crebris, epulis tractauit opimis
 Hic omnes toties illorum propria in æde:
 Brestia, & illius dextram Varſauia vidit
 Loiolæ natis ad dandum semper apertam.
 Omnia quid memorem SZYSKOWSKI fortia facta,
 Virtutes varias, patriæ succensus amore,
 Quæ tulerit? iugulum Regni ciuilia bella
 Dum peterent, charæ lacerando viscera matris:
 Hic PLOCIÆ quanto cumulauit munere Clerum?
 Atq; gregem totum, bonus & meritis bene Pastor,
 Non opis est nostræ, prohibet breue cætera tempus.
 Tantus hic, & talis, rapitur mihi (fors mea tristis)
 CRACI plus nimio mihi & inuida, & æmula ab vrbe:
 Da Pater auxilium, & rebus succurre caducis:
 Ad te confugio: supplex tua Numina posco.
 Dixerat, & lachrymis oculos perfusa nitentes

*pro Serenissima Regi
 na Constancia S. R. M.
 coniuge.*

*Luceoriam
 societatem
 induxit: Plo-
 cia funda-
 uit, Polto-
 uia & alib:
 locorū mune-
 ribus auxit.
 &c.
 Incendium
 Plocie.*

*Tēpore belli
 ciuilis eius
 studium in
 afflictâ pa-
 triam.*

Mille ciet gemitus, & foemineos vlulatus.

Hac vbi dicta dedit, C R A C I mox adfuit Echo

Nomine, legatum referens, vt dicta refellat;

Vox audita fuit, nec visus nuncius vlli.

Diue sagittipotens Iouis indubitata propago,

Aurem da facilem, Iudex æquissime nobis.

Pultouiam, fateor, magnus dolor vsque remordet.

Quod suus Antistes cathedram mutare locumq;

Decreuit, C R A C I modò dictus Episcopus vrbis.

Sed tamen hunc meritò repetit C R A C O V I A, quondā,

Iure suum Patrem proprio & de Præsule gaudet.

Concilio adscriptus Patrum an non, quos Canon ornat,

Nomine per celebri fuerat, S Z Y S K O V I V S Heros

C R A C O V I A, eximius quoque Cancellarius idem

P E T R I M Y S Z K O W S K I præstantis Præsulis arte

Ingenuâ, magni pietate ac fortibus ausis:

Non dedit hunc penitus tibi, sed vix credidit illa

S I S C O V I V M. quid dura negas, si credita poscit?

Lethifero nuper conclusit lumina somno

Antistes meus, Illustris T I L I C I V S Heros,

Iam senior longo morbis tenuatus ab æuo:

Ille Polonorum flos, nobilitatis honosque:

Ille poli sydus, Superum sincera voluptas;

Quem felix habuit Pastorem Prussica tellus:

Præsule quo sapiens multum se Varmia iactat:

Curia quem Regum stupuit, Procerumque corona:

Huius fama mori vetat, æternumque vetabit

Dignum perpetuis chartis, & carmine nomen,

Hoc dolet extinctum lachrymosa Polonia lumen.

Z E R N I C K I genere illustris, prudentia, recti

Quemq; iuvat studium, Sophia & sublimis in arte

Affinis dolet hanc stirpis cecidisse columnam:

Illachrymata gemit quoties bona & illius vxor

Sanguis T I L I C I V S, tanto viduata Patrono:

Cum

Canonici

interfuit

Cracouien:

S Cancellarius

Reuerendissimus

Petrus Myskowski.

Mors Illustris

Tylicki

Episcopi

Cracouien:

Anno 1616.

Elogium eiusdem.

Luctus ob

mortem illius

sanguine

iunctorum

& affinium

Cum quo TILICIAE moritur domus inclyta gentis.
 Hunc lugere iuuat. geminus KRET KOVIVS Heros,
 Coniuge cumque sua languet mœrore TVMICKI:
 Tempero vix etiam lachrymis ego talia fando.
 Quis par TILICIO dabitur successor? eundem
 Aequat quis paribus meritis de Rege, Polonâ
 Reque magis communi, difficile inuenio vnum.
 Præter SISCOVIVM, quem credo sydere lapsum
 Ad claros titulos, celsumque cacumen honorum:
 Purpureo dignus decoret quem Roma galero:
 Præsul SISCOVIVS triplici diademate dignus,
 Italiæ tellus istum si habuisset alumnum.
 Et dubitamus adhuc diuina Numinis aurâ
 Euectum ad Craci cathedram te, Præsul amande
 SZYSZKOWSKI, auspicio Regis, Regnique Poloni?
 Cede Deo, Regi, Regno, POLTOVIA, cede,
 Præsulis est etiam hoc ipsius velle voluntas.
 Quod Deus & Rex, & Res publica rite peroptat.
 Illum ~~MYS COVIVS~~ prædixerat antè Prophetâ,
 Magnatem quondam magnum, Dominumque futurum.
 Scilicet in PLOCIAE cathedram succederet antè
 Qui sibi. post Craci redimitus in vrbe tiarâ
 Præsuleâ æqualis PETRO fulgeret honore
 MISCOVIO, cuius fuerat virtutis imago.
 Ibit, non viduam tamen ille relinquere prorsus
 Te vult, quam patrio affectu POLTOVIA amauit:
 Successor veniet magnis virtutibus Heros.
 FIRLEIA de stirpe satus, spes magna Poloni
 Imperii HENRICVS Præsul, noua quem infula honorū
 Eulгоре irradiat, meritis pro tempore longo
 Exhibitis Patriæ, Regi, Regnoque potentis
 Sarmatiæ. dignus Leopardus erat cui præter
 Auratum diadema caput præcingeret almo
 Sacra tiara sinu: variis virtutibus ille.

Successor
 lo dignus
 Martini
 Szybskon

Prophetâ
 Reueren
 Petri
 Szybskon
 futuro
 gno vire
 lustris
 tino Szy
 wki.
 Successor
 cathedra
 Placen
 stris: ac
 uerendiss
 Præsuli
 HENRI
 CVSEI
 Insignis LEI de

Insignis

*Dambrowi-
a. Allusio
ad stemma
Illustr. fami-
lia eiusdem
Leopardum
coronatum.*

Insignis vario cumulauit munere Lechos.
Regum crediderim hunc Leopardum ex sanguine natū;
Regibus aut operam semper nauasse fidelem;
Hostibus aut victis, claros retulisse triumphos;
Rex diadema gerit, victor, vel Regis amicus:
Terribilis miles Leopardo hoc Lechus in arma;
Cui Leo sanguineus fertur, victorque triumphat,
Aurigera intorquens vitricia tempora Lauro.
Iam placet & superis Leopardus nobilis iste.
Nam diadema super regale tiara coruscat.
STARCZEWSki remanet STANslaus dignissim⁹ Abbas,
Peruigil æquē ac doctus SVFFRA GANEVS: illi
Adde Nicolaum Canonis de munere clarum
PRÆPOSITVM, niueo SZYSZKOvski pectore mystā,
SZYSZKOWSKI Andreā; pariter quē iam canon ornat,
Angelicum iuuenem, natum melioribus annis:
SISCOVII poterunt gemini tibi ferre nepotes
Auxilium; hi poterunt læsis solatia rebus
Ferre, Senatores Cleri quandoque futuri
PLOCENSIS, Patruī vestigia clara sequendo.
Ipse etiam Præsul te nunquam deserit alma
Altrix virtutum, studii PVLTOVIA mater:
Mente, animis, aderit tibi semper, amabit & absens.
His dictis curæ auulsæ, pulsusque parumper
Corde dolor tristi. nil dat PVLTOVIA contrā:
Lumina fixit humi lachrymarum roscida nimbis:
SISCOVIVM iustè taciro ore fatetur ad urbem
CRACOVIÆ potiùs spectare, vt Præsul in illā
Floreat æternis per plurima sæcula aristis.
Dulciloquæ tum soluit Apollo silentia linguæ;
Hæc Adamanteo perstat sententia scripta
Saxo; SISCOVII voluit sic fata poli Rex;
Fulgida vt illius CRACI caput infula cingat.
Pone tuo, ò felix PVLTOVIA, fræna dolori;

Gaude

Gaude sorte tuâ : tantum grateris honorem
 S I S C O V I O est honor ille tuus : non vltima laus est,
 C R A C O V I A M geminos habuisse in sede Dynastas
 E P L O C I Æ cathedrâ : hinc vnum vidisse Poloni
 Primatem Regni Baranovyski stemmate clarum.
 Non hoc tempus eget lachrymis : muliebre recusat
 Obsequium Præsul, ride ô P V L T O V I A ride :
 Omnia quin lætis subsultent plausibus : omnes
 Meritis S I S C O V I O lætum Pæana canamus;
 Et simul obloquitur, digitis & pulsat eburnis
 Auratam citharam turbâ comitante nouenâ
 Pieridum; resonat mundi per deuia cantus :
 Quæque suum iam tangit ebur: iam cymbala pulsat
 Musa: hinc largifluis decurrunt carmina riuis;
 Dulce decus patriæ, Musarum magne Patrone,
 Relligionis Atlas, Regni spes, Anchora sceptri
 Sauromatûm, viuæ pietatis imago, peremptor
 S I S C O V I scelerum, virtutis cultor honestæ,
 Gentis S I S C O V I Æ Illustris pietate vel armis
 Lunarum rutilans sol: ô Crucis alma Satoris
 Lux i felici pede ad vrbis mœnia C R A C I:
 I faustis auibus comitentur te bona cuncta.
 Viue, vige exequans generosum nomen Olympo
 S I S C O V I V M nomen, decorat quod Numen amicum
 Omne multiplici, titulis quod clarat honorum,
 Sic lis composita est gemini de Præsule belli
 A Phœbo gracili versu, mulcente procellas
 P V L T O V I Æ, & C R A C I metris recreante Penates.

*Ex Cathedra Ploceñ:
 vnus Archi-
 episcopus
 duo Craco-
 uien: Episco-
 pi suere.*

*Appreciatio
 fausta disces-
 su ad sedē
 Cracouien:
 Antistiti.*

GEORGIVS TARZYMIŃSKI.



E

ENE.

VENERABILE
CAPITVLVM
PLOCENSE & PVLTOVIEN:
cum Clero

ANTISTITI OPTIMO

DISCESSVM MOLIENTI PROSPERVVM
ITER.

QV Onostrum properas corporis integri
Magnum consilio & iudicio caput?
Auulsum crucias membra doloribus:
Et desiderio membra rapis tui
Tecum; sed retinet Numen Olympicum:
PLOCENSIS cathedræ, PVLTOVIÆ vetat;
Tam longam prohibet cura gregis viam.
Te votis igitur Præsul amabilis,
Te sanctis precibus, Clerus & vtraque
Obseruans Canonis prosequitur Phalanx:
Hæc & quæ PLOCIÆ, & PVLTOVIÆ manet;
Curram SISCOVII non aquilæ vehant;
Cygnis acta sonet nec niueis rota;
Non impulsæ fremat Lyncibus orbita;
Nec currat Lybicis acta Leonibus;
Nec saltet rabidis Tygribus excita;
Nec frenum sonipes mordeat aliger;
Non axem timido cerua trahat iugo:

Narrant

Narrant esse quibus Numina fabulæ
 Vatum vecta prius: vel quoties duces
 Romam laurigeris fascibus aduolant,
 Victoresque hilari voce canunt IO.
 Felicem Dominum SISCOVIVM vehat
 Phoenix perpetuo tempore viuudus,
 Frænum solus adhuc indocilis pati;
 Phoenix es Procerum SARMATIÆ, inclyte
 Præsul; donet iter nunc merito tibi
 Fœlix æthereus: Rex patriæ diu
 Seruetque incolumem: prosperet omnia
 Felicem tua, te &, ducat ad exitum.

JACOBVS NARZYNSKI.

EQVITES
 PALATINATVS
 PLOCENSIS
 FAVORI MAXIMO

REIPVBLICÆ FAVOREM.

Nobilis, Præsul memorande, gentis
 Sol coruscans SISCOVIAE, Polonos
 Nobiles inter radias vt inter

Sydera luna.

E 2

Hoc

Hoc notant falces geminae bicornes
Cynthiae insigni cruce splendicantes,
Quae locum ditat medium tenendo

Lumine utramque.

Tu tribus iustis **E Q V I T E S P L O C E N S I S**
Praesul es dignatus honoribusque,
Splendida crebro & dape: corde amico

Semper, & ore.

Liberos horum studiis honestis
In Lycaeo **P V L T O P O L I S** vacantes
Ut Pater vultu placido fouebas,

Vel dape lauta.

Hunc **C R A C I** nostrum properas ad urbem
Corculum? pro tot meritis quid æquum
Est precari nos **E Q V I T E S** Polonos?
Sarmatiae ales.

Altiùs Lunas vehat orbe solis.
Grata te Patrem Patrio per aurum
Marmoris inculpat patria; hæc Olympo
Cruce tua par sit.

G A S P A R D V N I N .

C I V E S

C I V E S
P V L T O V I E N S E S

D O M I N O S V O

FÆLIX IMPERIVM.

SÆuam Persephonem potens,
Et Ditem rigidum flectere cantibus,
Manes, monstra Acherusia
Orphæus, Euridicem cum traheret suam,
Huius trux fidibus Leo,
Ventorum rabies, paruit & mare.
Amphion lapides sono
Motos dulciloqui cingere Barbiti
Thebas moenibus inclytas
Iussit fert per aquas blandus Ariona
Delphin ob modulos lyræ.
Lunam stelligero ex cardine carmina
Possunt ducere; siltere
Solis præcipites nec noua res equos.
Lunas S I S C O V I A S, crucem,
Ne P V L T O V I A D A S deferat orphanos,
Vis non vlla potest, dolor
Communis, lachrymæ flectere non valent.
Fati dura necessitas.
Transfert C R A C O V I A M vel superum fauor.
D 3. Iunctis.

Iunctis fas mihi Persea
 Pennis, Dædaleos cur imitauer
 Ausus Colchydis aut dolos
 Pernix illa, quibus fugit Iasona:
 Cæpto Triptolemi rotas,
 Pernix hinc properum quò Dominum sequar,
 Qui pacem voluit, bona,
 Clemens PVLTOVIUM commoda ciuium.
 Ciues ergo precemini
 Felix imperium SISCOUIO optimo:
 Humani generis Titus
 Quondam delicia, ac orbis amor fuit:
 Nunc sit SISCOUIVS poli,
 Orbis delictum, Sarmatixque amor.

ALEXANDER LENKIEWICZ.

COLLEGIVM PVLTOVIENSE

Patrum Societatis IESV

MÆCENATI OPTIMO

ÆVITERNAM PROSPERITATEM.

QVemcunque IESV militiam iuuat
 IGNATII sub præsidio sequi,
 Mundo triumphato maligno
 Suaue sodalitiū professum.

Cæle

20
Coelo-innocentes fers quoties manus;
Aras sacerdos vel quoties tremens.
Accedis, hostiam tonanti
Cum prece, cum lachryma daturus:
Antistitis non SISCOVII immemor
Votis fatiga supplicibus Deum:
IESV, vt bonos sodalitatis
Eximius benefactor annos.
Semper beatos vt videat dies
Sanus, secundus, clarus honoribus,
Dilectus & Polo & Polonis
Christiadum venerandus orbi.
Illum coronet CRACOVIAE Infula,
Fortuna semper fospitet; & fauor
mortalium, coelestium que
Sint comites lateri perennes;
Curis paternis qui socios fouet;
Horum integro qui corde rei fauet
COLLEGIVM complexus acri
VLTIOVIASQ; Scholas amore.

SEVERINVS SIELSKI.

GYMNA

GYMNASIVM
PVLTOVIENSE

PROTECTORI CLEMENT^{mo}.

LONGAM VITAM.

Quid tristes subito dolent, amoenæ
Quæ nuper fuerant nimis Camoenæ ?
Toruus moeret Apollo: non sagittas
Tendit, non digitis chelym lacefsit ?
Mons Pindi insolitis fremit querelis,
Fons miscet dociles aquas arenis ;
Omnes Pieridum gemunt alumni,
Quotquot PVLTOVIÆ scholas frequentant.
Tantus vnde rogo, repensque luctus ?
Vita Gymnasii viam parare
Præful SISCOVIVS Craci ad cathedram
Auditur ? meritò dolent Camoenæ :
Illarum fuerat columna, lumen,
Decus, cor, anima, vnica, hîc voluptas.

Iustè Pieridum gemis iuuentus,
Quotquot PVLTOVIAS scholas frequentas :
Præful, PVLTOVIÆ pias palæstras
Complexus viridi ab fouebas æuo.
Quondam PVLTOVII ipse flos Lycæi:
Nunc pastor, pater, & bonus Patronus,
Vita, cor, anima, & columna, lumen;

Vester

Vester Pastor abit, Pater, Patronus,
Tristis ploret Apollo cum Camœnis:
Humectent oculos aquis Pœtæ.
Sed quò vesterabit Pater, Patronus?
Ad Craci cathedram, infulam que claram?
Ride lætus Apollo cum Camœnis,
Pœtæ numeris sonent amœnis:
Viue vita, anima, Pater, Patrone
Urbe innumeris Craci diebus.

JOANNES BILINSKI.

V N I V E R S A
D I O E C E S I S
PASTORI VIGILANTISSIMO
COELI BEATITATEM APPRECATVR.

BEatus æui transigas Præsul viam:
Procùl dolor, mœror procùl;
Negotiis patriæ vaces in otio:
Sit tua senectus viuida:
Sit mens amœna: sit serena frons; fluant
Horæ quietæ, albi dies.
Bonus fuisti Pastor, & vigil gregis
PLOCENSIS, à lupo ciuce,

E

Ano 86

Anocte lunis criminum dum protegis:
Et ad beatas dirigis.

Sedes. Episcopos locus ubi inter tibi

Detur beatos, supplicat

Quoties supinas fert manus cœlo tuus

Clerus tuâ prudentiâ.

Factus beator, Deoque acceptior.

STANISLAVS Poloniæ

Laus, gloria sacerdotii, lux martyrum:

ALBERTVS inclytus; pius

MARTINVS ut nomine tibi, sic moribus

Similis, locum aptant proximum

Pro te choro coniunctus. illorum frui

Pari voluptate poteris.

Meriti socius eras: eris his præmiis.

Durabitur prius gelu:

Calida face: prius æs aquis domabitur:

Antea volabunt ære

Pisces: auicula vel maris in undis larem

Struent, deorsum se igneus

Librabit ardor: terra sursum pondere

Ferretur innato levis:

Tui memoria quàm gregis de pectore

Labatur, ô pastor bone.

THOMAS FALECKI

PRO-

PROPEMTICON

VVLGI.

ERgo CRACI sine me Pastor, Pater ibis in urbē?
Hei mihi cum Domino non licet ire meo:
Vade, sed vsq; mei memor; immemor haud ego ve-
Sit facilis via: sit non grauis aura tibi. (stri:
Non niuei flocci gelidâ voluantur ab Arcto;
Tempore si brumæ carpere possis iter.
Æole compescas Boream, Caurumq; Notumq;
Ne pigro stupeant arua ligata gelu.
Plantas alipedum ne lædat turgida gleba:
Aurigiis nasus frigore neue cadat.
Quod si vere viam primo mens suadet inire;
Alpirent Zephyri: ventilet Auster agros.
Nubibus haud sudet liquefactis imbris æther.
Influat in patulum nix resoluta solum.
Spargat odorato roseum ver gramine campos.
Spargat iter, per quod Præsulis axis eat:
Artifici volucres depromant guttura cantus;
Inclinet virides arbor opaca comas.
Saxa viâ cedant: montes curuentur in imum:
Sit via plana meo, sit via pulchra Patri.
Tempore seu Brumæ veniens, seu tempore veris;
Ætas non deerit te veniente C R A C O.
Tympana, rauca, tubæ lætum tormenta tonabunt:
Dura triumphali frigora ab igne fluent.

VALERIANVS SKVLMOVSKE

CRESCANT SISCOVIAE LVNAE
DONEC TOTOS IMPLEANT ORBES.

F Alces Lunæ video geminas:
Cruce quas medio findit lateres;
Radiant multis facibus plenæ
SISCOVIAE ni fallor Lunæ
Cruce Præsuleâ & mitrâ sacra;
Sed non pleno radiant orbe;
Cocéant simul in vnam geminæ
Faciem, sibi non tergum vertant;
Plenus erit de geminis orbis:
Crescere sic SISCOVIAE Lunæ
Nolunt; mediâ cruce latantur;
Verat hæc simul ut geminæ cocéant?
Si non proprios implent orbes;
Crescant titulis, crescant meritis.
Alios donec repleant orbes;
Famæ radiis, facibus laudum;
Vetus has orbis cupiat Lunas;
Has veneretur terreus orbis;
Has miretur flammeus orbis:
Aqueus vehat has laudibus orbis;
Ploret Alexander, quod gemini
Fuerit non orbis regnator.
SISCOVIUS Præsul ridebit
Quando totos orbes Lunæ
Crucilucæ implebunt ac vrbes,

ALBERTVS NIEBORSKI.

SOLI DEO GLORIA.

